



Universitätsbibliothek Paderborn

Johannis Trithemii Spanheimensis Primo, Deinde D. Iacobi Maioris Apvd Herbipolin Abbatis, viri suo aeuo doctiss. ... Partis Opera Historica, Qvotqvot hactenus reperiri potuerunt, omnia

Partim E Vetvstis Fvgientibusque editionibus reuocata, & ad fidem
Archetyporum castigata; partim ex manuscriptis nunc primùm edita ;
Qvorvm Catalogvm Aversa pagina exhibet

Johannis Trithemii Spanheimensis Primo, Deinde D. Iacobi Maioris Apvd
Herbipolin Abbatis, viri suo æuo doctiss. Primae Partis Opera Historica,
Qvotqvot hactenus reperiri potuerunt, omnia

Trithemius, Johannes

Francofvrti, 1601

Præfatio Domini Iohannis Trithemii Abbatis Spanhemensis, In Librvm De
Illvstribvs Viris Germanicæ Nationis, Ad Iacobvm V. Sletstatinum.

urn:nbn:de:0128-1-17297

sent. Sunt etiam qui aut nullos aut paucos hac tempestate illustres scriptores in humanis haberi existiment: quibus me rem iucundam gratamque fecisse confido: si vel paucos de multis ad eorum notitiam perduxero. Nam etsi non omnium praestantium ingenio virorum mentionem facere potui: studiosis tamen nostris Germanis occasionem praestiti, ut his deinceps etiam alios possint adiungere, & opus nostrum sua diligentia ampliare. Vale. Ex Spanhem, sexto idus Februarij, Anno Domini M. cccc. xci.

Trithemij

Opera
historica

10 PRÆFATIO DOMINI IOHANNIS TRITHEMII ABBATIS SPANHEMENSIS, IN LIBRVM DE ILLVSTRIBVS VIRIS GERMANICÆ NATIONIS, ADIACOBVM V. Sletstatinum.



LEMANIA (quæ propter honorum omnium fertilitatē recte Germania dici posset, si Cæsar non sentiret cōtrarium) ab initio conuersionis suæ ad fidē Christianam claris semper effulsit doctoribus: quorum & ingenij & sanctissimis moribus cæteris nationibus copiosius meruit illustrari. Ex his multi sanctorum catalogo inserti sunt: multi consuetudinem hanc canonisandi sanctos ex tempore præcesserunt. Probant hoc vetustissimi ab eis compositi codices: probant miracula:

20 probant ad honorem Dei constructa monasteria & ecclesiæ. Horū ego (& si non omnium) quorundam tamen ingenia & opuscula in hunc catalogum petentibus amicis comportare institui, præbiturus occasionem posteris, ut vbi nos destitisse cognouerint, ipsi suo studio Germanorum laudes perficiant. Ego enim in angulo Germaniæ constitutus opportunitatem non habui perquirendi cæteros qui nostro defunt catalogo: sed eos qui mihi ad manum erant Alemanis nostris offero: rogans ut vnusquisque scriptores sibi occurrentes nostris adijciat: & sic demum eruditos plures fuisse & esse nobiscum emulus discat. Nec lateat aliquē quod scriptores illustres omnes inter Germanos posui, quos fuisse Theutonicos inueni. Nam Mosellani & Treuerenses quanquā Gallia: Belgicæ magnam partem incolant, moribus tamen & lingua Germani sunt: & idcirco nostris Alemanis nō immerito connumerati. De cæteris quoque in circuito Theutonicis similis teneatur sententia. Sed de his hæc tenus: iam scribendi ad propositum Deo largiente sumamus exordium.

LIBER DOMINI IOHANNIS TRITHEMII SPANHEMENSIS ABBATIS, DE LVMINARIBVS SIVE DE ILLVSTRIBVS VIRIS GERMANIÆ: QUÆ PRÆSTANTES INGENIO VARIA SCRIPSERUNT.



40 MAXIMVS septimus ecclesiæ Moguntinensis episcopus, vir vita & conuersatione sanctissimus, & tam in secularibus literis quam in diuinis scripturis nobiliter eruditus, ingenio promptus, eloquio clarus, actione præcipuus fuit. Qui cum esset verbi diuini prædicator facundus & celebris, multos verbo & exemplo ad fidem Christi conuertit: non solum per suam dioccesim, sed per vicinas quoque extremaque regiones verbum fidei seminando. Hic multas fertur ad diuersos scripsisse epistolas, pluresque literis commendasse omelias: sed nihil eorum ad manus nostras venire permisit antiquitas. Denique contra Arrianos, qui suo tempore multa in ecclesia Dei mala fecerunt, nonnulla egregia composuit. Claruit apud Moguntiacum temporibus Constantini, Constantij & Constantis Imperatorū sub Liberio Papa, Anno Domini trecentesimo. lxx.

Maximus septimus ecclesia Moguntinensis episcopus.

50 PAVLINVS octauus & vice simus Treuerorum archiepiscopus, natione quidem aquitanicus, vita tamen & conuersatione vt plurimum Treueris moratus, beati Maximini Treuerorum archipræfulis discipulus, & in baptisate filius, vir doctus atque sanctissimus ab Arrianis hereticis pro fide Christi in exilium relegatus: apud Phrigiam gloriosa passione triumphauit. Scripsit in causis catholice fidei multas elegantes epistolas, in quibus non minus eruditus quā sanctus apparuit. Sed & alia nonnulla pro fide contra here-

Pavlinus archiepiscopus Treuerensis vice simus octauus.